

輕微纖細燼爲隣長在油中汙本真愛把燈光頻剔撥怎知紅
焰返燒身

詠竹

夜月照時金瑣碎清風拂處玉玲瓏歲寒別有非常操不比尋
常草木同

詠茶

昔時曾見趙州來今日盧仝七椀猜烹罷還知何處去清風送
我到蓬萊

以扇贈姪洗塵

是人洗拂酒兼羊我有霜紈與七郎除垢招風開道眼教兒永
道藏輯要

重陽全真集

齒 下胃集一

遠得清涼

和十五夜月

日暮雲收爽氣寒冰輪輝映向更殘清光此夜分明別休與凡
常一例看

題茶坊

已喫蟠桃勝買瓜此般風味屬予家直須換假全真性指路蓬
萊跨彩霞

歎世

堪歎世間名與利朝食暮愛沒休時悟來恰似觀棋者迷後渾
如敗者棋